

ACTA DE SESIÓN ORDINARIA CELEBRADA POLO PLENO DA CORPORACIÓN MUNICIPAL DE CAMBADOS O DÍA 25 DE FEBREIRO DE 2016

ASISTENTES:

- Abal Roma, Fátima (P.S.deG.-PSOE) – Alcaldesa
- Abal Varela, José Ramón (Cambados PODE)
- Aragunde Aragunde, Luis (P.P.)
- Brea Troncoso, Mónica (P.P.)
- Caamaño Rivas, Víctor Manuel (B.N.G.)
- Cacabelos Domínguez, María Josefa (B.N.G.)
- Charlín Trigo, Xurxo (Participación Democrática Directa de Galicia/Somos Cambados)
- Cordal Rodríguez, Constantino (Participación Democrática Directa de Galicia/Somos Cambados).
- Cores Chaves, José Juan (P.P.)
- Gómez Blanco, Juan Ramiro (P.P.)
- Iglesias Pombo, Antonio Joaquín (P.P.)
- Martínez Piñeiro, Milagros (P.S.deG.-PSOE)
- Pérez Osorio, Miguel (P.S.deG.-PSOE)
- Pomares Botana, Eulogio (P.P.)
- Prado Cores, María Teresa (B.N.G.)
- Serantes González, Luis Alberto (P.P.)
- Varela Piñeiro, María Isabel (P.P.)

SECRETARIO: Alberto Fuentes Losada

Na localidade de Cambados, sendo as vinte e unha horas do día 25 de febreiro de 2016, e ao efecto de proceder a celebrar sesión ordinaria do Pleno da Corporación, reúnense os Sres. Concelleiros electos, aos efectos de tratar os asuntos incluidos na Orde do Día:

- 1º.- LECTURA E APROBACIÓN DA ACTA CORRESPONDENTE Á SESIÓN CELEBRADA O DÍA 28.01.2016.-
- 2º.- APROBACIÓN INICIAL, SE PROCEDE, DA MODIFICACIÓN DA RELACIÓN DE POSTOS DE TRABALLO DO CONCELLO DE CAMBADOS, NO TOCANTE Ó POSTO TESOURERÍA.-
- 3º.- APROBACIÓN INICIAL, SE PROCEDE, DO ORZAMENTO MUNICIPAL PARA O EXERCICIO 2016.-
- 4º.- DAR CONTA DO INFORME DA INTERVENCIÓN MUNICIPAL, SOBRE PERÍODO MEDIO DE PAGO, REFERIDO Ó 4º TRIMESTRE/2015.-
- 5º.- DAR CONTA DO INFORME DA TESOURERÍA MUNICIPAL, EN CUMPRIMENTO DA LEI 15/2010, REFERIDO Ó 4º TRIMESTRE/2015.-
- 6º.- APROBACIÓN, SE PROCEDE, DO ACORDO DE GOBERNO SOBRE CUMPRIMENTO REAL E EFECTIVO DA CARTA EUROPEA DAS LINGUAS REXIONAIS E MINORIZADAS.-
- 7º.- APROBACIÓN, SE PROCEDE, DO ACORDO DE GOBERNO EN RELACIÓN CO SUBMINISTRO DE AUGA Á ILLA DE A TOXA.-
- 8º.- APROBACIÓN, SE PROCEDE, DA MOCIÓN DO PARTIDO POPULAR PARA SOLICITAR UN PLAN DE ACTUACIÓN DO PARQUE DE MAQUINARIA DA DEPUTACIÓN NOS CONCELLOS.-
- 9º.- APROBACIÓN, SE PROCEDÉ, DE DECLARACIÓN INSTITUCIONAL CON MOTIVO DO 40 ANIVERSARIO DA PROCLAMACIÓN DA REPÚBLICA ÁRABE SAHARAUI DEMOCRÁTICA.-
- 10º.- DAR CONTA DAS RESOLUCIÓNS DICTADAS POLA ALCALDÍA.-

11º.- CONTESTACIÓN A PREGUNTAS FORMULADAS.-

12º.- ROGOS E PREGUNTAS.-

1º.- LECTURA E APROBACIÓN DA ACTA CORRESPONDENTE Á SESIÓN CELEBRADA O DÍA 28.01.2016- Aberta a sesión, pola Presidencia pregúntase ós señores Concelleiros se teñen algunha obxeción que formular á acta da sesión anterior, celebrada o pasado día 28 de xaneiro, e non formulándose ningunha, a Corporación Municipal por unanimidade acorda prestarlle a súa aprobación.-

2º.- APROBACIÓN INICIAL, SE PROCEDE, DA MODIFICACIÓN DA RELACIÓN DE POSTOS DE TRABALLO DO CONCELLO DE CAMBADOS, NO TOCANTE Ó POSTO TESOURERÍA.- Pola Sra. Alcaldesa explícase que se trata dun trámite legal que é preciso levar a cabo neste exercicio, e dáse conta da súa proposta, ditaminada favorablemente pola Comisión Informativa de Facenda e Patrimonio, en reunión celebrada o día 24.02.2016, co voto unánime dos Concelleiros Sres. Caamaño Rivas, Pérez Osorio, Aragunde Aragunde, Serantes González, Iglesias Pombo, Cordal Rodríguez e Charlín Trigo, que é do seguinte tenor literal:= “Confeccionada a modificación da Relación de Postos de Traballo no tocante ó posto de Tesourería.= Tendo sido obxecto de negociación cos representantes do persoal funcionario e laboral do Concello e tendo sido informada pola Secretaria e pola Intervención municipal, e polo tanto, téndose cumplidos os trámites legalmente establecidos.= Polo exposto, esta Presidencia proponlle á Comisión Informativa, que, ditaminando favorablemente a modificación da RPT, teña a ben formularle, á súa vez ó Pleno da Corporación, proposta de adopción dos seguintes acordos.= 1º.- Aprobar inicialmente a modificación da Relación de Postos de Traballo.= 2º.- Que se expoña ó público a mencionada RPT por prazo de 20 días hábiles de acordo co artigo 202 da Lei de Emprego Público de Galicia, mediante edictos no B.O.P. e no taboleiro da Consistorial e, de non formularse reclamacións contra a mesma, entenderase definitivamente aprobada, sen necesidade de novo acordo. En caso contrario, o Pleno disporá do prazo dun mes para resolvelas.= 3º.- Unha vez aprobada definitivamente a RPT, publicatase integralmente no BOP.”

Rematadas as intervencións sométese o asunto a votación, acadándose o seguinte resultado:

- Votos a favor: dezasete (Sres.: Abal Varela, Aragunde Aragunde, Brea Troncoso, Caamaño Rivas, Cacabelos Domínguez, Charlín Trigo, Cordal Rodríguez, Cores Chaves, Gómez Blanco, Iglesias Pombo, Martínez Piñeiro, Pérez Osorio, Pomares Botana, Prado Cores, Serantes González, Varela Piñeiro e Sra. Alcaldesa).
- Votos en contra: ningún
- Abstencións: ningunha.

A Corporación, por unanimidade, acorda:

1º.- Aprobar inicialmente a modificación da Relación de Postos de Traballo.

2º.- Que se expoña ó público a mencionada RPT por prazo de 20 días hábiles de acuerdo co artigo 202 da Lei de Emprego Público de Galicia, mediante edictos no B.O.P. e no taboleiro da Consistorial e, de non formularse reclamacións contra a mesma, entenderase definitivamente aprobada, sen necesidade de novo acordo. En caso contrario, o Pleno disporá do prazo dun mes para resolvelas.

3º.- Que, unha vez aprobada definitivamente a RPT, se publique integralmente no BOP.

3º.- APROBACIÓN INICIAL, SE PROCEDE, DO ORZAMENTO MUNICIPAL PARA O EXERCICIO 2016.- Polo Concelleiro-Delegado de Economía, Facenda, Comercio, Industria e Promoción Económica, Sr. Charlín Trigo, dáse conta da proposta da Presidencia, ditaminada favorablemente pola Comisión Informativa de Facenda e Patrimonio, en reunión celebrada o día 24.02.2016, co voto a favor dos Concelleiros Sres. Caamaño Rivas, Pérez Osorio, Cordal Rodríguez e Charlín Trigo, e o voto en contra dos Sres.: Aragunde Aragunde, Iglesias Pombo e Serantes González, que é do seguinte tenor literal:= “Confeccionado o Orzamento Municipal para o exercicio 2.016, estimando que se cumpre no mesmo coas disposicións que regulan esta materia, atopándose nivelado, tanto en gastos como en ingresos, e coidando suficientemente dotadas as aplicacións orzamentarias para atender ás obrigas esixibles a esta Corporación, tanto para gastos de persoal (Capítulo I), como para gastos de funcionamento dos servizos (Capítulo II); as relativas ós gastos de

intereses e amortizáns (Capítulos III e IX); as correspondentes a transferencias, tanto correntes como de capital (Capítulos IV e VII); e, por último as relativas ós investimentos en obras, etc., (Capítulo VI), todo elo en canto ó Estado de Gastos; e, respecto ó Estado de Ingresos, tamén se consideran convenientemente consignados os conceptos dos capítulos do mesmo.= Os Estados de Gastos e Ingresos engádense as Bases de Execución do Orzamento, documentos que constitúen o Orzamento básico, ó que se une a documentación complementaria á que fan referencia os artigos 12 e 18 do Real Decreto 500/90, do 20 de Abril, e, en definitiva, a esixida polo artigo 168 do Texto Refundido da Lei Reguladora das Facendas Locais 2/2004, ademais da relación de aplicacións de gastos, clasificadas por programas e economicamente, e a de conceptos de ingresos.= Por todo, elo esta Presidencia proponlle á Comisión Informativa, que, ditaminando favorablemente este Orzamento, teña a ben formalizar, á súa vez, ó Pleno da Corporación proposta de adopción dos seguintes acordos:= 1º.- Aproba-lo Orzamento Municipal para o exercicio económico 2016, que se eleva, tanto en gastos como en ingresos, á contía de nove millóns catrocentos setenta e mil catrocentos corenta e dous, con dous céntimos (9.460.442,02€), que se concreta nos seguintes resúmes por Capítulos:

GASTOS		INGRESOS			
Cap.	Denominación	Cap.	Denominación		
1	Gastos de persoal	4.004.828,59	1	Impostos directos	2.534.000,00
2	Gastos en bens correntes e servizos	3.882.126,76	2	Impostos indirectos	90.000,00
3	Gastos financeiros	9.028,40	3	Taxas e outros ingresos	1.986.104,00
4	Transferencias correntes	271.388,76	4	Transferencias correntes	3.880.418,96
6	Investimentos reais	781.727,25	5	Ingresos patrimoniais	95.809,00
7	Transferencias de capital	100.002,00	6	Alleamento de inversions reais	1,00
8	Activos financeiros	22.000,00	7	Transferencias de capital	852.107,06
9	Pasivos financeiros	389.340,26	8	Activos financeiros	22.000,00
			9	Pasivos financeiros	2,00
TOTAL		9.460.442,02	TOTAL		9.460.442,02

2º.- Aproba-las Bases de Execución do Orzamento, tal como se atopan redactadas, e que conteñen a adaptación das disposicións xerais en materia orzamentaria organización e circunstancias do propio Concello.= 3º.- Aproba-lo anexo de persoal, tanto de funcionario como de persoal laboral, coas contías que figuran no mesmo.= 4º.- Que se expoña ó público o expediente por prazo de 15 días hábiles, mediante edictos no B.O.P. e no taboleiro da Consistorial e, de non formalizarse reclamacións contra o mesmo, ou de non basearse estas nalgún dos supostos do art. 170.2 do TRLRFL, entenderase definitivamente aprobado o Orzamento, sen necesidade de novo acordo, remitíndose posteriormente copias á Delegación de Facenda e á Xunta de Galicia, publicándose finalmente Edicto do Orzamento, resumido por Capítulos, conxuntamente coa Relación de Postos de Traballo aprobada, no referido B.O.P., todo elo segundo se establece pola citada lexislación vixente.”

Segue a dicir o Sr. Charlín Trigo que, confeccionado o Orzamento Municipal para o exercicio 2.016, estima que se cumple no mesmo coas disposicións que regulan esta materia, ó atoparse nivelado, tanto en gastos como en ingresos, e coidando suficientemente dotadas as aplicacións orzamentarias para atender ás obrigas esixibles a esta Corporación, tanto para gastos de persoal (Capítulo I), como para gastos de funcionamento dos servizos (Capítulo II); as relativas ós gastos de intereses e amortizáns (Capítulos III e IX); as correspondentes a transferencias, tanto correntes como de capital (Capítulos IV e VII); e, por último as relativas ós investimentos en obras, adquisición de terreos, etc., (Capítulo VI), todo elo en canto ó Estado de Gastos.= Respecto ó Estado de Ingresos, di que tamén se consideran convenientemente consignados os conceptos dos capítulos do mesmo.= Que os Estados de Gastos e Ingresos engádense as Bases de Execución do Orzamento, documentos que constitúen o Orzamento básico, ó que se une a documentación complementaria á que fan referencia os artigos 12 e 18 do Real Decreto 500/90, do 20 de Abril, e, en definitiva, a esixida polo artigo 168 do Texto Refundido da Lei Reguladora das Facendas Locais 2/2004, ademais da relación de aplicacións de gastos, clasificadas por programas e economicamente, e a de conceptos de ingresos.= Que o orzamento que se presenta este ano para aprobación ascende a 9.460.442,02€, o que supón un incremento con respecto ó 2015, que se produce principalmente

pola inclusión no mesmo da subvención recibida pola Deputación de Pontevedra con cargo ós fondos do Plan Concellos/2016, e que no caso de Cambados ascende a un total de 905.073,16€, o que supón un incremento dun 9,74% con respecto ao do 2015, que ascendeu a 8.620.614,19€, o que supón máis de 839.827,83 euros de diferencia.= Que este importe queda lonxe dos 18 millóns de euros do Orzamento de 2004, pero consigue frear a contracción orzamentaria do Concello de Cambados que se ven realizando nestes últimos exercicios, xa que o incremento interanual do orzamento do 2016 do 9,74%, supón o maior incremento interanual no orzamento realizado polo concello de Cambados dende o 2008, que foi do 24,43% con respecto o orzamento do exercicio 2007.= Que, dende o equipo de goberno entenden que este orzamento é un documento vivo, e que ó longo do exercicio vai sufrir variacións en virtude, por exemplo, das axudas que se poidan percibir doutras administración, xa solicitadas ou por solicitar, e unha vez sexan concedidas, ou das necesidades de financiamento dalgunhas partidas, no caso de ser preciso para afrontar gastos non previstos inicialmente.= Que o que se pretende con este novo orzamento é ter un documento base, coas previsións de gasto e de ingresos o máis real posible, e no que as previsións incluídas no mesmo se axusten ás necesidades verídicas do concello de Cambados, xa que nesta ocasión non se vai a incluír por exemplo, como se viña facendo noutros exercicios, a previsión de venta de parcelas de Sete Pías e adquisición de terreos no rural cunha dotación orzamentaria de 300.000,00€, pois nunca se aplicaba ó non realizarse ningunha operación neste senso, e o único que se conseguía era incrementar o importe do orzamento sen xustificación real.= Di tamén que no apartado de **INGRESOS**, as bases utilizadas para o seu cálculo, son as que se resumen a continuación por Capítulos:= **Capítulo I.- (Impostos directos)**.= Abranguen os impostos de bens inmóveis, de actividades económicas, de vehículos de tracción mecánica e o incremento do valor dos terreos de natureza urbana. Os ingresos que se prevén nestes impostos directos ascenden a:= * Imposto sobre Bens Inmóveis: 1.600.000€. Tómanse como referencia os dereitos recadados no exercicio 2015 (1.657.536,33€) e a baixada do tipo do 0,60% ó 0,58%, segundo a última modificación operada na ordenanza fiscal de dito imposto.= Imposto sobre Vehículos de Tracción mecánica: 630.000€. Incrementase en 40.000€ en función do importe recadado no exercicio anterior (624.454,39€)= Imposto sobre o Incremento de Valor dos Terreos de Natureza Urbana: 50.000€. Incrementase en 20.000€ tendo en conta os dereitos recadados no 2015 (42.134,17€).= Imposto de Actividades Económicas: 250.000€. Pártense dos dereitos recadados no exercicio anterior (248.666,87€).= **Capítulo II.- (Impostos indirectos)**.- Imposto de Construccións, Instalacións e Obras: 90.000€. Disminúese en 40.000€. Se tivo en conta os dereitos recoñecidos no exercicio anterior (69.147,88€), así como o incremento de licencias de obras que se estan a realizar gracias as xestións realizadas polo conselleiro de Urbanismo o pasado mes de novembro a traves dunha consulta realizada á Secretaría Xeral de Urbanismo da Xunta de Galicia, na que se chegou á conclusión de que en Cambados pódese aplicar un criterio que se denomina área de expansión ou área de tolerancia de 40 metros que lle permite o Concello conceder licenzas de obra para as parcelas situadas en solo rústico que reúna unha serie de requisitos.= **Capítulo III.- (Taxes e outros ingresos)**.- En xeral, procedeuse á dotación dos importes en función dos dereitos liquidados no 2015, experimentando unha diminución de 4.698€, e dotándose os distintos conceptos en función do recadado no exercicio anterior.= **Capítulo IV.- (Transferencias correntes)**.- A principal modificación é a relativa ós ingresos procedentes da Participación nos Tributos do Estado e a consignación das transferencias de Deputación Provincial, por estar xa concedidas, experimentando un incremento total de 256.818,77€ (maiores ingresos previstos na PIE, pois segundo os datos comunicados recentemente pola FEGAMP prevese que a liquidación do exercicio 2014 sexa positiva; e no que atinxe ás transferencias da Deputación Provincial consignouse a maiores a subvención concedida para financiar os gastos da contratación do persoal do Plan de Emprego - línea 4, por importe de 202.101,65€, e línea 2 por importe de 135.767,02€ para gasto corrente, xustificado con facturas de Sogama e Celpaprix); consignándose tamén os ingresos previstos da firma do Convenio coa entidade financeira Abanca (20.000€) e dos viveiros de empresas.= **Capítulo V.- (Ingresos patrimoniais)**.= Consignase neste Capítulo os intereses de depósitos en c/c. de Entidades de crédito, e os ingresos procedentes da explotación de bens patrimoniais, producíndose unha diminución de 24.396€; e nos arrendamentos de bens patrimoniais prevense os ingresos que se producirán como consecuencia do cobro do aluguer dos locais ás empresas concesionarias da distribución da auga e do saneamento.= **Capítulo VI.- (Alleamiento de inversiones reais)**.= Consignase unha cantidade simbólica a diferenza dos exercicios anteriores, na que sempre se

declaraban 300.000€ e nunca se chegou a realizar ventas de parcelas do Polígono Industrial Sete Piás.= Capítulo VII.- (Transferencias de capital).= Consignase as cantidades previstas para as obras de rehabilitación de particulares do conxunto histórico-artístico, segundo os convenios asinados ó efecto. Asemade consignase as transferencias concedidas pola Deputación segundo aparecen recollidas no anexo de investimentos.= Capítulo VIII.- (Activos financeiros).= Consignase a previsión de anticipos ó persoal, e que se compensa co incremento da súa contrapartida do concepto de ingresos polo mesmo importe.= Capítulo IX.- (Pasivos financeiros).= Consignase unha cantidade simbólica, xa que non esta previsto a concertación de ningunha operación de crédito nesta anualidade.= GASTOS.= Respecto ó Estado de gastos, consígnanse oito capítulos coas seguintes características:= Capítulo I.- (Gastos de persoal) .= Consignanse os gastos relativos ó persoal dos diversos servizos, incluídos os órganos de goberno que se incrementan en 4.795,97€ con respecto o 2015 se se incluen o persoal de confianza, este goberno ten 3 liberacións con adicación completa e unha liberación con adicación parcial, hai que ter en conta que non dispón de persoal de confianza, e que tampouco se pasan horas extraordinarias, que no caso dun destes postos de confianza no exercicio 2014 fixo preto de 400 horas cun custe de 17€ a hora, o que supón un custe aproximado de salario e seguridade social de 8.500,00€. Tamén se inclúen neste capítulo dos traballadores do concello os gastos de Seguridade Social, gratificacións, axudas, produtividades, e demais.= Dito capítulo experimenta con carácter global, un incremento con respecto ó exercicio anterior de 346.438,36€, ó recollerse o incremento do 1% previsto na Lei 48/2015 de 29 de outubro, de Orzamentos Xerais do Estado para o ano 2016; se procede á creación do posto de Tesourería, reservado a habilitado nacional xa que é unha esixencia imposta por lei; e dótase as aplicacións orzamentarias relativas ás retribucións do persoal do Plan de Emprego da Deputación Provincial, xa que consta concedida a subvención (línea 4 por importe de 202.101,65€).= Capítulo II.- (Gastos en bens correntes e servizos).= Experimenta un incremento de 74.075,76€.= En xeral, dotouse cun maior crédito as seguintes aplicacións:= A do fondo de emerxencia social (FES), que pasa de 25.000 a 40.000€.= A do servizo de axuda no fogar (SAF), que pasa de 210.000 a 230.000€.= A de Actividades Servizos Sociais e Igualdade, que pasa de 1.000€ a 5.000€.= A de festexos e outros eventos, que se incrementa en 33.941,76€, como consecuencia de que dita cantidade inclúese dentro da subvención concedida pola Deputación (línea 3 do plan provincial de Concellos) e en concreto, para gastos de Nadal e Entroido.= A de actividades deportivas que pasa de 34.000 a 40.000€.= A relativa ó ORAL que pasa de 230.000€ a 300.000€ para adecuala ó efectivamente recoñecido no exercicio 2015.= Pola contra, dotouse cun menor crédito as seguintes aplicacións:= A de traballo empresas alleas, que se dota con 53.000€, fronte ós 70.000€ do exercicio anterior (non se consignan os gastos do arqueólogo).= A de Sogama, que se dota con 470.000€ xa que no 2015 dotouse con 520.000€ para facer fronte a 13 mensualidades.= A de gastos de enerxía eléctrica do alumado público que baixan 25.000€ (dos 300.000€ ós 275.000€) como consecuencia das actuacións que se están levando a cabo en aras a conseguir un maior aforro enerxético.= Asemade tamén se procede a creación de novas aplicacións orzamentarias cun importe de 5.000€ cada unha delas:= A 1721.226.99: gastos diversos en protección do medioambiente.= A 2411.226.99: gastos diversos en fomento do emprego e actividades xuventude.= A 333.226.99: gastos varios Enoturismo.= Capítulo III.- Neste Capítulo, prevense as cantidades necesarias para facer fronte ós gastos de pasivos financeiros por operacións de crédito concertadas por este Concello, segundo se reflicte no anexo do Estado de endebedamento que se adxunta. O capital vivo pendente de amortizar a 31 de decembro de 2015 polos préstamos vixentes ascende a 2.046.096,23€; recóllese os intereses e demais gastos derivados de todo tipo de operacións financeiras contraídas polo Concello de Cambados, e experimenta unha baixada de 7.487,05€.= Capítulo IV.- (Transferencias correntes).= Consignase ás cantidades necesarias para as axudas a veciños por estudos, transferencias a Asociacións culturais, deportivas e benéfico-asistenciais do Concello, así como aportacións á Mancomunidade do Salnés e as transferencias á protectora de animais, á Fundación Manolo Paz e a Zona Centro; e experimenta un incremento como consecuencia da maior consignación na aplicación relativa as axudas a veciños para estudos, que se dota con 18.000€, en lugar dos 12.000€ do exercicio 2015 e das transferencias a entidades benéfico-asistenciais, que pasan do 36.000€ ós 40.000€.= Capítulo VI.- (Inversións reais).= Consignanse as cantidades para os investimentos que se prevé vanse realizar durante este exercicio, e que de forma pormenorizada figuran no anexo de investimentos que se une ó expediente como documentación complementaria do Orzamento, producíndose un incremento de

455.727,25€ con respecto ó exercicio anterior, xa que se conta coa concesión da subvención da Deputación Provincial (línea 1 do plan provincial de Concellos por importe de 531.754,16€). Ademais, debe indicarse que a medida que se vaian recibindo as comunicacións de concesións de subvencións irase procedendo a xeración de créditos.= Por outra banda, e a diferenza doutros anos, non se procede a dotar a aplicación relativa a adquisición de terreos no rural por importe de 300.000 €.= **Capítulo VII.**- (Transferencias de capital).- Dótase con destino ás transferencias a particulares polas obras do ARI (segundo os Convenios asinados para tal fin). Consignase unha cantidade simbólica para posibles imprevistos para á Mancomunidade do Salnés e á Deputación Provincial.= **Capítulo VIII.**- (Activos financeiros).- Neste Capítulo consignase só unha cantidade como contrapartida da consignada no mesmo Capítulo do Estado de Gastos, para posibles anticipos ó persoal do Concello.= Por último, no **Capítulo IX.**- (Pasivos financeiros) consignanse as cantidades necesarias para as amortizacións dos préstamos e anticipos concertados polo Concello segundo os datos recollidos no Estado da débeda. O importe é de 389.340,26€.= Neste orzamento axustaronse as partidas a inmensa maioría das cantidades consignadas en cada unha das partidas do exercicio anterior, tentando de axustar o gasto corrente, incrementando as partidas adicadas a fins sociais.= A modo de resumen podense destacar algúns aspectos que para este goberno son os máis importantes do orzamento, desafortunadamente recóllese unha subida na partida do Servizo de Axuda no Fogar que pasa de 210.000€ a 230.000€ porque segundo o avance dos gastos do 2015 tense constancia da necesidade de incrementar esta partida, o ser o crédito dotado nese exercicio insuficiente; recóllese tamén neste orzamento unha subida da partida do FES (Fondo de Emerxencia Social) pasando de 25.000€ a 40.000€; consignanse transferencias de capital directas a entidades deportivas, culturais ou benéficas por un importe superior aos 178.000€, o que supón un aumento de mais de 10.000€ con respecto ao 2015 e, dentro desta partida, destaca: os 70.000€ para entidades deportivas, os 20.888,76€ para a protectora de animais, o incremento de 6.000€ para axudas de estudos (que deixa esa partida en 18.000€), e mantense a partida de 4.500€ para o convenio con Zona Centro para facilitar o aparcamento no núcleo urbano; mantéñese o esforzo na partida de transferencias para obras particulares a través do ARI por un importe de 100.000€.; e baixan varias partidas de gasto referentes a combustible ou calefacción axustando o custe real do exercicio 2015, así como tamen disminue a partida en alumeadoo público en 25.000€, que é o que esperamos aforrar coas medidas xa adoptadas de eficiencia enerxética, xa que na factura de consumo eléctrico do mes de xaneiro apreciouuse un descenso de 3.000€ no gasto eléctrico, gracias ás medidas adoptadas, e con outras que se van poñer en marcha, como unha caldeira de biomasa no centro da Merced, que conta coa instalación de obra e canalizacións dos radiadores, pero pola contra non dispón de caldeira, utilizándose para a calefacción do inmoble os aparatos de aire acondicionado, ou a nova cuberta para a piscina municipal.= Remata dicindo que hai que sinalar tamén, como dato moi importante, que baixa a débeda, que ao inicio deste exercicio situábase en 2.046.096,23€ (o que representa un menor nivel de endebedamento), e que en resumen, piden o voto favorable dos membros da Corporación para un orzamento que controla o gasto corrente, baixara a débeda municipal, mellorará o nivel de servizos municipais, e incrementa as partidas dedicadas a fins sociais, educación, cultura, deportes e turismo.

Intervén seguidamente o Concelleiro do Grupo Municipal do P.P., Sr. Cores Chaves para dicir que, evidentemente, o primeiro que fixo cando recibiu a documentación foi comparar este orzamento co de 2015, xa que este é o primeiro orzamento que fai o novo grupo de goberno, e se ben a súa expectativa era atoparse con grandes cambios, non foi así, nin no incremento de certas partidas, que non subiron en absoluto, nin noutras que se “vendía” que debían desaparecer.= Que o modelo de orzamento é prácticamente igual que o anterior, polo que entenden que non era tan malo como dicían, e en definitiva: 1º.- O orzamento é maior pero se quitamos as inversións a diferencia é menor.= 2º.- Esa diferencia de 400.000€ ven de impostos, pois suben no 2016 con respecto ó 2015, manténdose o nivel impositivo, que non baixa.= 3º.- Outro dato a destacar é a partida na que se pretende ingresar o da recollida de lixo, e tendo en conta que se vende “a bombo e platillo” que se vai a facer compostaxe, polo que coída que debería baixarse.= 4º.- Destacan tamén outras partidas: explotación barracas, terrazas, ocupación vías públicas, ..., que en definitiva son subidas, e áinda que a idea que se dá é que as afectadas son as empresas, tamen o son os pequenos comercios e, en definitiva, repercutirán sobre o consumidor final.= No apartado de gastos: 1º.- Súbense partidas, pero tendo en conta a subida total do orzamento, deberían subir máis.= 2º.- Suben partidas como a de Tesourería, ou a do Servizo Galego de Colocación, pero o que non se di é que as retribucións dos cargos electivos suben nuns 71.000€, o que

significa que custe o novo equipo de goberno é o doble que antes.= 4º.- Inclúense igualmente as horas extras.= 5º.- Suben as cantidades para emerxencia social e axuda a domicilio pero lembra que, comparado co que sube o orzamento, o incremento é pequeno.= Que tamén cando estaban na oposición criticaban as partidas de mantemento e conservación, dicindo que eran insuficientes.= Nestes orzamentos din que vai a existir un aforro enerxético, pero non se gasta en proporción, e coida que deberían subirse moito más outras partidas.= Consignanse moi poucos cartos en mantemento de edificios, e por outra banda súbese a partida de festas algo que o gupo popular sempre defendeu, e se criticaba pola oposición, e agora é o grupo de goberno o que incrementa eses gastos, independentemente de onde procedan os fondos.= En canto ás transferencias de capital, son un calco do exercicio anterior, excepto dúas subidas en axudas, de 6.000€ para estudos e 4.000€ para benéfico-asistenciais.= Di tamén que coidan que partidas como as de emerxencia social, axudas, deporte,, deberían terse incrementado en maior cantidad e, remata a súa exposición manifestando que por todo o exposto, está clara a posición do grupo municipal do P.P. que vai votar en contra.

Contéstaselle polo Portavoz do grupo de goberno, Sr. Charlín Trigo, que o seu traballo é reflexar a realidade, e no 2015 fixérонse uns gastos que entenden non poden disminuirse de un día para outro.= Que falan de que esperaban grandes cambios pero a contabilidade pública é a que hai, por elo coida que non ten sentido o que acaba de dicir o Sr. Cores Chaves.= Con respecto ó incremento de certas partidas, di que xa explicou que viña motivado polo Plan de Deputación (905.000€) e son gastos afectados; no relativo ó incremento dos impostos non é tal, simplemente se reflexaron os ingresos reais do ano anterior, e sí que se baixan pasando por exemplo o IBI do 0'6€ ó 0'58%.= Que tampouco poden facer maravillas cando existe un gasto entre xaneiro e maio de 2015 de 750.000€ en recoñecementos extraxudiciais.= Que, como non dispoñen dun estudio con respecto ó dos composteiros teñen que manter o importe do gasto na recollida de residuos, esto faise polo principio de prudencia e por responsabilidade de goberno.= Con respecto ás retribucións dos cargos políticos a diferencia con respecto ó ano anterior é de 4.500€ e hai que sumar as horas extras que facía o persoal de confianza; que se se votan contas habería que ver o que sae de caixa pois o persoal de confianza tamén é persoal nomeado directamente polos políticos.= Di tamén que tiveron que dotar moitas partidas porque hai cousas que están por facer e por prudencia hai que dotalas, e o máis importante para o grupo de goberno é gobernar con prudencia.= Con respecto ó Centro de Saúde dotase unha partida de 32.000€, e con respecto ó tema de festexos, non entran só os gastos da Festa do Albariño, senón tamén os de Nadal, Entroido, Festa da Vieira, etc.,, e trátase cunha partida que hai que axustala ben porque non se pode cambiar unha partida por outra.= Segue a dicir que o que se criticaba antes eran os gastos que se facían no xantar do Albariño, non na festa.= Para rematar di que as axudas de libros para o persoal do Concello baixa, e se incrementan as axudas de estudos aos vecinos; que sí son uns orzamentos participativos xa que o anterior grupo de goberno deixou 400.000€ de débeda que se incluen como recoñecemento extraxudicial e claro que queren baixar os impostos pero cando se poída, e neste momento non é posible pola herdanza recibida, e toda vez que o orzamento é un documento vivo haberá cousas que se poidan cambiar.

Intervén o Portavoz do Grupo Municipal do P.P., Sr. Aragunde Aragunde, para dicir que a empresa que está traballando na limpeza do Centro de Saúde xa traballou co anterior goberno municipal; que se está aforrando moito polas caldeiras de pellets e porque se apagan as luces; que hai que ser consecuentes co que se dicía antes, e en especial cos comentarios de concelleiros que agora están no goberno e antes na oposición.= Que quitando os 400.000€ que din son do anterior goberno municipal e van como recoñecemento extraxudicial, áinda quedan 9 millóns de euros.= Que hai que ser consecuentes co que se dicía antes e co que se fai agora.= Di tamén que lle chama a atención que os orzamentos se lle presenten antes á prensa que ó grupo político municipal que conta con máis concelleiros; que non foron uns orzamentos participativos e son uns orzamentos que non aportan ningún cambio, pois contaban con máis financiación e cartos para algúnhia das partidas que antes dicían estar deficitarias e cunha subida de 400.000€ servizos sociais só sube 40.000€, cando poderían telta subido moito más, pois o anterior grupo de goberno, subíuna no ano 2015 cun orzamento inferior ó do 2014, e o actual grupo, cun orzamento superior só a incrementa en 40.000€.= Reitera que o Concello está nunha situación económica boa e cun nivel baixo de endebedamento, e se ben é certo que o actual equipo de goberno herdou uns gastos que cuantifica en 400.000€ tamén é certo que sempre se hereda un debe e un haber.= Que se incrementa en 6.000€ a partida para axudas ó estudio, tamén incrementada polo seu grupo no exercicio anterior; suben a partida de festexos cando antes pedían o contrario, e as benéfico-asistenciais suben só 4.000€ cando hai un orzamento superior e o seu

grupo o incrementara en 3.000€ con menor orzamento; quedan igual as partidas para escolas deportivas, e a do mantemento de centros escolares sube únicamente 1.500€ cando antes tiñan teima coa súa escasa consignación; para actividades culturais consignase o mesmo importe, 42.000€, ando antes se criticaba tamén cando había modificacións de crédito e xa se están anunciando para este exercicio; en horas extras, o equipo de goberno xa lle pagou no verán a un só empregado 1.500€ (por 5 días, e cun total de 80 horas); todo elo ven a corroborar que cando estaban na oposición falaban dunha forma e agora que están no goberno fan doutra, tal é o caso da praza de Asesor xurídico, que tamén era unha teima e segue ahí.= Segue a dicir que os orzamentos son continuistas ainda que algo decepcionantes para o seu grupo; que dentro dun ano demostrará, e verase, que a Cambados viñeron máis inversión antes, en épocas de crise, que este ano; e que sobre todo se ingresa porque hai subidas, a pesar de que dixeron que iban a baixar os impostos, e por imposición legal o seu grupo tivo que subir o IBI en 2012 ó 0'50% e no 2014/2015 ó 0'60%, pero no 2016 pódese aplicar o IBI que se queira e o grupo de goberno decide baixalo do 0'60 ó 0'58% podendo baixalo ó 0'50% pero non quere.= Que o grupo do P.P. subírao en 2012/2013/2014 e 2015 por imposición legal, pero agora non existe tal imposición e áinda así non baixan tanto como poden, pois o IBI ben podería baixar a niveis do 2011.= Insiste en que estes orzamentos son decepcionantes e que o anterior equipo de goberno o estaba facendo mellor.

Contéstaselle polo Portavoz, Sr. Charlín Trigo que, empezando polo final, o que demostra que o faciades moi ben, e que por eso as urnas falaron.= Con respecto ó da prensa, pregunta retóricamente “de que te enteraches antes pola prensa ...”, e di que o P.P. sí participou nos orzamentos pero deixando unha débeda de 400.000€ que o actual grupo de goberno ten que pagar con cargo a este exercicio.= Que as becas incrementáronse coas reducións en axudas a empregados públicos e coa partida de gastos protocolarios; o mantemento de centros escolares pasa de 24.000€ a 25.000€ porque foi o que gastou o anterior grupo de goberno o ano anterior, e gastouse tanto en 2015 que non chegou para facer recoñecemento extraxudicial en 2015 polo que ten que incluirse no 2016.= Que o que se criticou sempre foi o importe das horas extras do persoal de confianza e non as do persoal en xeral.= Que o IBI non pode baixar este ano ó 0'44% porque supón 400.000€ do recadado, que é igual á débeda que deixou o P.P.; e, con respecto ó aforro enerxético, sí que existe unha reducción de 25.000€. Intervén o Concelleiro-Delegado da área de Urbanismo, Obras, Servizos, Sr. Abal Varela, para dicir que contrataron un asesor enerxético que deu un diagnóstico do que sucedía e vaise a invertir 40.000€ nun proxecto para mellorar o alumeadoo público e conseguir unha reducción duns 100.000€/ano, e xa se está notando nas facturas que están chegando ó Concello.= Que o 1 de xaneiro empezou outra empresa a levar o mantemento eléctrico e coida que neste apartado estase a facer unha boa xestión.= Aproveita tamén para comentar o avance en materia urbanística, en relación coa “área de expansión”, e di que de feito está previsto que a próxima semana se concedan dúas licenzas nesa zona.

Novamente toma a palabra o Sr. Charlín Trigo, para dicir que en publicidade gastouse moito máis do que está previsto neste orzamento e do que estaba orzamentado.

Contéstaselle polo Sr. Aragunde Aragunde ó Sr. Charlín Trigo que o seu discurso está basado nos 400.000€ e sen embargo non ten en conta que había edificacións que non estaban pagando IBI e que durante o seu mandato fixose unha revisión catastral e por iso se incrementan os ingresos por dito concepto; e no relativo a horas extras, di que o actual grupo de goberno disfraza as cousas, e hai que dicir que agora a Alcaldía ten dous secretarios.

Contéstaselle pola Sra. Alcaldesa que houbo que habilitar un espazo na secretaría da Alcaldía para un funcionario xa que non había sitio, non porque sexa un segundo secretario.

Rematadas as intervencións, sométese o asunto a votación, acadándose o seguinte resultado:

- Votos a favor: nove (Sres.: Abal Varela, Caamaño Rivas, Cacabelos Domínguez, Charlín Trigo, Cordal Rodríguez, Martínez Piñeiro, Pérez Osorio, Prado Cores e Sra. Alcaldesa).
- Votos en contra: oito (Sres.: Aragunde Aragunde, Brea Troncoso, Cores Chaves, Gómez Blanco, Iglesias Pombo, Pomares Botana, Serantes González e Varela Piñeiro).
- Abstencións: ningunha.

A Corporación Municipal, por maioría, acorda:

1º.- Aproba-lo Orzamento Municipal para o exercicio económico 2016, que se eleva, tanto en gastos como en ingresos, á contía de nove millóns cíntrocentos setenta e mil cíntrocentos corenta e dous, con dous céntimos (9.460.442,02€), que se concreta nos seguintes resúmes por Capítulos:

GASTOS			INGRESOS		
Cap.	Denominación	Importe (€)	Cap.	Denominación	Importe €
1	Gastos de persoal	4.004.828,59	1	Impostos directos	2.534.000,00
2	Gastos en bens correntes e servizos	3.882.126,76	2	Impostos indirectos	90.000,00
3	Gastos financeiros	9.028,40	3	Taxas e outros ingresos	1.986.104,00
4	Transferencias correntes	271.388,76	4	Transferencias correntes	3.880.418,96
6	Investimentos reais	781.727,25	5	Ingresos patrimoniais	95.809,00
7	Transferencias de capital	100.002,00	6	Alleamiento de inversiones reais	1,00
8	Activos financeiros	22.000,00	7	Transferencias de capital	852.107,06
9	Pasivos financeiros	389.340,26	8	Activos financeiros	22.000,00
			9	Pasivos financeiros	2,00
	TOTAL	9.460.442,02		TOTAL	9.460.442,02

2º.- Aproba-las Bases de Execución do Orzamento, tal como se atopan redactadas, e que conteñen a adaptación das disposicións xerais en materia orzamentaria organización e circunstancias do propio Concello.

3º.- Aproba-lo anexo de persoal, tanto de funcionario como de persoal laboral, coas contías que figuran no mesmo.

4º.- Que se expoña ó público o expediente por prazo de 15 días hábiles, mediante edictos no B.O.P. e no taboleiro da Consistorial e, de non formularse reclamacións contra o mesmo, ou de non basearse estas nalgún dos supostos do art. 170.2 do TRLRFL, entenderase definitivamente aprobado o Orzamento, sen necesidade de novo acordo, remitíndose posteriormente copias á Delegación de Facenda e á Xunta de Galicia, publicándose finalmente Edicto do Orzamento, resumido por Capítulos, conxuntamente coa Relación de Postos de Traballo aprobada, no referido B.O.P., todo elo segundo se establece pola citada lexislación vixente.

4º.- DAR CONTA DO INFORME DA INTERVENCIÓN MUNICIPAL, SOBRE PERÍODO MEDIO DE PAGO, REFERIDO Ó 4º TRIMESTRE/2015.- Dase conta do informe emitido pola Intervención Municipal con data 29.01.2016, de evaluación sobre o obxectivo de estabilidade orzamentaria, da rega de gasto e do límite da débeda en relación coa excusión trimestral e Período Medio de Pago, relativos ó terceiro trimestre do 2015.-

A Corporación Municipal, por unanimidade, acorda darse por enterada do informe da Intervención Municipal.-

5º.- DAR CONTA DO INFORME DA TESOURERÍA MUNICIPAL, EN CUMPRIMENTO DA LEI 15/2010, REFERIDO Ó 4º TRIMESTRE/2015.- Dase conta do informe emitido pola Tesourería Municipal con data 29.01.2016, en cumprimento da Lei 15/2010, relativo ás obrigas recoñecidas respecto das cales transcorreu o prazo previsto en dita lei para o seu pagamento.

A Corporación Municipal, por unanimidade, acorda darse por enterada do informe da Tesourería Municipal.-

6º.- APROBACIÓN, SE PROCEDE, DO ACORDO DE GOBIERNO SOBRE CUMPRIMENTO REAL E EFECTIVO DA CARTA EUROPEA DAS LINGUAS REXIONAIS E MINORIZADAS.- Dáse conta da seguinte proposta de acordo, informada favorablemente pola Comisión Informativa de Educación, Cultura e Deporte, en sesión celebrada o 24.02.2016:” VICTOR M. CAAMAÑO RIVAS, Concelleiro da Corporación Municipal de Cambados, en base ao disposto nos artigos 91.4 e 97.3 do Regulamento de Organización, Funcionamento e Régime Xurídico das entidades locais, e demás normativa que poida resultar de aplicación, diante do Pleno da Corporación, e en relación co CUMPRIMENTO REAL E EFECTIVO DA CARTA EUROPEA DAS LINGUAS REXIONAIS E MINORIZADAS.=

EXPÓN: Que o pasado 21 de xaneiro facíase público o 4º Informe de avaliación do cumprimento da Carta Europea das Línguas Rexionais e Minoritarias, elaborado polo Comité internacional de expertos, e ao mesmo tempo, basándose neste informe, facíanse públicas tamén as recomendacións do Consello

de Ministros do Consello de Europa ao Estado español.= Que nas citadas recomendacións o Comité de expertos e o Consello de Ministros sinalan os aspectos que cómpte corrixir para o cumprimento efectivo das garantías que o Estado español e a propia Xunta de Galiza se comprometeron a levar a cabo ao ratificar, no ano 2001, o referido documento.= Por tal motivo, e toda vez que a *Carta Europea das Linguas Rexionais e Minorizadas*, é un tratado internacional que garante os dereitos lingüísticos, nomeadamente en relación á lingua galega como lingua propia e oficial de Galiza, é polo que intereso do Pleno desta Corporación, manifeste o seu compromiso coa referida Carta e adopte o seguinte ACORDO:= INSTAR á Xunta de Galiza a:= 1º.- Cumprir con todas as recomendacións do Consello de Ministros e do Comité de Expertos do Consello de Europa, e exixir do Estado español a aplicación real dos seus compromisos en relación coa Carta, tal e como indica o Consello de Ministros.= 2º.- Dar os pasos necesarios para cumplir co sinalado na líne 640 do informe que afirma que o decreto 79/2010 de plurilingüismo contradí o establecido na *Carta*, e o punto 5º da resolución do Consello de Ministros, onde sinala que a introdución dunha terceira lingua no ensino non pode afectar negativamente á propia.= 3º.- Elaborar de maneira ampla e consensuada un novo decreto para o uso do galego no ensino, que atenda aos principios de normalización lingüística, e acorde co sinalado na Carta Europea.= 4º.- Que mentres non se elabora o novo decreto, modifique o actual derogando os artigos que poñen límites ao uso do galego nas aulas, como as porcentaxes máximas de materias a impartir en galego nos centros e a prohibición de impartir na nosa lingua as materias científico-técnicas ou matemáticas; e,= 5º.- Garantir unha oferta ampla de liñas de ensino infantil en galego en todas as vilas e cidades.”

Intervén o Concelleir do P.P., Sr. Pomares Botana, para dicir que, con respecto a este punto cabe lembrar que España adheríuse a esta Carta de linguas minoritarias, pero con respecto á ensinanza, o modelo da Carta é o de inmersión lingüística, e non é igual que o decreto que aprobou o P.P., e consideran que hay unha equiparación boa entre galego e castelán eo punto da inmersión lingüística é o que lles impide votar a favor.

O Concelleiro Sr. Caamaño Rivas di que aquí vivemos en Cambados pero non é o mesmo en todos os lugares de Galicia, sobre todo no ámbito urbán; que onde se fala galego porque hai concienciación é no mundo do ensino; que o que hai que facer é potenciar ó que non é forte, e o loxico sería adherirse.= Con respecto ó Decreto de plurilingüismo do P.P., di que foi unha oportunidade política.= Que ningúen obriga a ningúen a falar en galego, e o que ten que haber é coherencia e se estamos unidos á Carta, debemos facer un esforzó e cumpri-la.

O Concelleiro Sr. Pomares Botana insiste no razonamento anterior de que si aproban un decreto de plurilingüismo non se está a favor da inmersión, polo non van a votar a favor.

Contésaselle polo Sr. Caamaño Rivas que hai unha situación de desequilibrio polo que hai que potenciar a lingua que non está protexida.

Rematadas as intervencións, sométese o asunto a votación, acadándose o seguinte resultado:

- Votos a favor: nove (Sres.: Abal Varela, Caamaño Rivas, Cacabelos Domínguez, Charlín Trigo, Cordal Rodríguez, Martínez Piñeiro, Pérez Osorio, Prado Cores e Sra. Alcaldesa).
- Votos en contra: oito (Sres.: Aragunde Aragunde, Brea Troncoso, Cores Chaves, Gómez Blanco, Iglesias Pombo, Pomares Botana, Serantes González e Varela Piñeiro).
- Abstencións: ningunha.

A Corporación Municipal, por maioria, acorda:

1º.- Cumprir con todas as recomendacións do Consello de Ministros e do Comité de Expertos do Consello de Europa, e exixir do Estado español a aplicación real dos seus compromisos en relación coa Carta, tal e como indica o Consello de Ministros.

2º.- Dar os pasos necesarios para cumplir co sinalado na líne 640 do informe que afirma que o decreto 79/2010 de plurilingüismo contradí o establecido na *Carta*, e o punto 5º da resolución do Consello de Ministros, onde sinala que a introdución dunha terceira lingua no ensino non pode afectar negativamente á propia.

3º.- Elaborar de maneira ampla e consensuada un novo decreto para o uso do galego no ensino, que atenda aos principios de normalización lingüística, e acorde co sinalado na Carta Europea.

4º.- Que mentres non se elabora o novo decreto, modifique o actual derogando os artigos que poñen límites ao uso do galego nas aulas, como as porcentaxes máximas de materias a impartir en galego nos centros e a prohibición de impartir na nosa lingua as materias científico-técnicas ou matemáticas; e,

5º.- Garantir unha oferta ampla de liñas de ensino infantil en galego en todas as vilas e cidades.

7º.- APROBACIÓN, SE PROCEDE, DO ACORDO DE GOBERNO EN RELACIÓN CO SUBMINISTRO DE AUGA Á ILLA DE A TOXA.- Pola Concelleira Dª Mª Josefa Cacabelos Domínguez, dáse conta da seguinte proposta de acordo, informada favorablemente pola Comisión Informativa de Obras, Servizos e Urbanismo, en sesión celebrada o 24.02.2016:= “VICTOR M. CAAMAÑO RIVAS, Concelleiro da Corporación Municipal de Cambados, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais, e demais normativa que poida resultar de aplicación, diante do Pleno da Corporación, EXPÓN:= Que, no Boletín Oficial da Provincia de Pontevedra do 18 de xaneiro de 2016, publicase “solicitud de Gestora Inmobiliaria La Toxa S.A para autorización de obras de construcción represa no lugar de Atranco, parroquia de Cabanelas, concello de Ribadumia (Pontevedra)”, recolléndose textualmente en dita publicación que “*As obras solicitadas consisten na construcción da represa nunha superficie de 40.10 m. de lonxitude e 29,30 m. de anchura, con coieira, cunha altura máxima de 1,80 m. sobre rasante, e bloques de 500 kg., noiros de 20/1(H/V) augas arriba e 2/1 augas abaiixo, cun canal central para augas baixas no lugar de Atranco, parroquia de Cabanelas, Ribadumia. Para reconstrucción de represa existente necesaria para evitar a salinización da captación de auga para abastecemento da illa da Toxa*”:= Por tal motivo, e tendo en conta que a referida inmobiliaria dispón dunha captación propia de auga no río Umia, que usa para o abastecemento á illa, en especial para o rego do campo de golf. Que a autorización da captación foi renovada por arte de Augas de Galicia en xuño de 2015, e en relación coa mesma tamén se teñen realizado obras de mellora da canalización ata a illa da Toxa, que discorre pola Enseada do Bao, situada dentro do espazo natural protexido Umia-O Grove. Que non ten xustificación a realización desta represa, nin desde o punto de vista da necesidade de subministro, xa que os concellos do Salnés captan a maior parte da auga que consumen no río Umia no lugar de Ponte Arnelas, que previo paso pola depuradora ubicada en Trevíscoso, e distribúe auga aos diferentes concellos, contando o concello de O Grove con tubaxe propia, nin desde o impacto medioambiental que supón, tanto a infraestrutura como a canalización, para o ecosistema do Umia; e, que que nas manifestacións recollidas en diferentes medios de comunicación a citada inmobiliaria, declara non ten maior interese na infraestrutura e que “*foi Augas de Galicia quen nos obrigou a fazer esta obra*”:= É polo que SOLICITA do goberno municipal do Concello de Cambados, se sume aos colectivos que no Salnés xa manifestaron a súa oposición a esta actuación no Umia, (Colectivo Ecoloxista do Salnés, Club Náutico o Muíño, Asociación de Veciños de Oubiña...) por tratarse dun río que padece múltiples agresión mediambientais, e na súa consecuencia se adopte por parte do Pleno o seguinte ACORDO:= Instar ao Goberno galego a que busque outras alternativas para o subministro de auga á illa da Toxa, si non é suficiente o subministro que chega ao concello de O Grove a través do subministro público, e que non se autoricen as obras de construcción dunha represa no lugar de Atranco, parroquia de Cabanelas, concello de Ribadumia, xa que as mesmas afectan a espazos e especies protexidas.”

O Portavoz do P.P., Sr. Aragunde Aragunde, di que o seu grupo vai abstenerse na votación, pois non están a favor desta canalización, árida que recoñecem que existe un problema de subministro na Illa de A Toxa, en especial a partir da primavera pois a auga non lle chega á Illa.= Con respecto á altura, que lles parece excesiva, van tentar que se modifiquen proxecto.= Que a captación facíase ben antes, pero non con esta obra de represa.= Son medidas que afectan a todo un ecosistema e pie que se busquen alternativas.

Rematadas as intervencións, sométese o asunto a votación, acadándose seguinte resultado:

- Votos a favor: nove (Sres: Abal Varela, Caamaño Rivas, Cacabelos Domínguez, Charlín Trigo, Cordal Rodríguez, Martínez Piñeiro, Pérez Osorio, Prado Cores e Sra. Alcaldesa).
- Votos en contra: cero.
- Abstencións: oito (Sres: Aragunde Aragunde, Brea Troncoso, Cores Chaves, Gómez Blanco, Iglesias Pombo, Romares Botana, Serantes González e Varela Piñeiro).

A Corporación Municipal, por maioría, acorda instar ao Goberno galego a que busque outras alternativas para o subministro de auga á illa da Toxa, si non é suficiente o subministro que chega ao concello de O Grove a través do subministro público, e que non se autoricen as obras de construcción dunha represa no lugar de Atranco, parroquia de Cabanelas, concello de Ribadumia, xa que as mesmas afectan a espazos e especies protexidas.

8º.- APROBACIÓN, SE PROCEDE, DA MOCIÓN DO PARTIDO POPULAR PARA SOLICITAR UN PLAN DE ACTUACIÓN DO PARQUE DE MAQUINARIA DA DEPUTACIÓN NOS CONCELLOS.- Dáse conta da seguinte moción, presentada polo voceiro do Partido Popular, Sr. Aragunde Aragunde; en relación co Parque de Maquinaria da Deputación d Deputación de Pontevedra:= “O Parque de Maquinaria da Deputación de Pontevedra leva seis meses con gran parte da súa maquinaria e máis de 12 persoas sin actividade ningunha. As custosas máquinas, valoradas en preto de 5 millóns de euros, e os traballadores do servizo están parados desde o mes de agosto, momento no que se retiraron dos concellos e non se volveron a mover do recinto.= O Parque de Maquinaria foi ata o de agora un referente en Galicia, e ofrecía un servizo moi importante a todos os concellos da provincia, incluído o Concello de Cambados. Por todos é sabido que os concellos teñen recursos moi limitados, principalmente os de menor poboación, e este servizo prestaba unha axuda e un servizo dos máis fundamentais. Aínda que o principal cometido era o mantemento das entradas provinciais, tamén prestaba apoio a concellos e colectivos.= Hai máis de 5 millóns de euros investidos na maquinaria deste parque que se están deteriorando, porque as máquinas deterióranse máis paradas que en funcionamento. Só o equipo completo de aglomerado, composto por unha estendedora e tres pisóns, ten un custe aprximado de 600.000 euros. A este hai que sumar o resto de maquinaria: 4 limpiaprais, 4 desbrozadoras, 4 niveladoras, 2 máquinas de cadeas, 2 pisóns, 2 cisternas de asfalto, un camión de bacheo, 1 retroescavadora, 3 palas mixtas, 6 camións, 1 camión góndola, 1 pala cargadora, unha cisterna de auga e un camión grúa. A estes gastos hai que incluir tamén à planta de aglomerado, da que saían peto de 1.000 toneladas diarias, así como os gastos do persoal, que diariamente van a traballar sen nada que facer.= Por iso é difícil de entender que os concellos da provincia estean endebedándose contratando a empresas privadas para garantir as mellores condicións de seguridade nas estradas municipais e provinciais, mentres se desaproveitan os recursos humanos e materiais que hai disponibles na Deputación de Pontevedra. Non nos parece axeitado, nin optimizar os recursos, que os traballadores de servizo e toda a maquinaria do parque estean parados e desaproveitados, cando hai moitas e importantes necesidades que cubrir nos concellos. Como exemplo, podemos poñer os danos que as inclemencias climatolóxicas dos últimos meses provocaron en infraestructuras e equipamentos dos concellos.= Por todos este motivos, o grupo municipal do Partido Popular solicita que se aodpten o seguiente ACORDO:= Instar á Deputación de Pontevedra a que estableza un plan de actuacións co que dar resposta ás necesidades que hai nos concellos e aproveitar os recursos do Parque de Maquinaria que actualmente están parados”.

Toma a palabra a Sra. Alcadesa para contestarle ó Sr. Aragunde Aragunde e di que o Parque de Maquinaria non está parado, pois as máquinas e o persoal de infraestructuras están a desenvolver o seu traballo nas vías provinciais que ata o de agora presentaban en moitos tramos un abandono lamentable.= Que o plan de actuación do Parque de Maquinaria da Deputación que o P.P. solicita nesta moción xa existe, a rede provincial de estradas está composta por 377 estradas con 1.700km. de distancia e a Deputación ten catro parques para a súa conservación e para mantelas limpas en caso de nevadas ou asolagamentos.= Que é certo que o modelo mudou, como vostede xa saberá sendo como é deputado provincial, e o parque de maquinaria e o seu persoal van traballar nas vías provinciais que son da súa titularidade e responsabilidade para apoiar aqueles casos de urxencia e emerxencia como aconteceu a semana pasada en Redondela.= Que é certo que éste non é o modelo ao que estaban acostumados algúns que utilizaban o parque de maquinaria como unha ferramenta ao seu servizo, onde alcaldes e alcaldesas do Partido Popular chamaban directamente aos funcionarios para dicílle onde asfaltar e que tramos. Éste é o modelo que mudou: a maquinaria e o persoal da Deputación de Pontevedra xa non vai traballar para que ningún alcalde faga campaña electoral, senón que vai traballar ao servizo dos veciños e veciñas por igual, con independencia da cor política do seu rexidor ou rexidora.= Di tamén que os Concellos están dotados de recursos financeiros por parte da Deputación por se teñen que facer obras nas súas rúas ou vías.= Que son 40 millóns de euros, para o Plan Concellos 2016 e en concreto para infraestructuras a partida de inversión é de 17 millóns de euros.= Que en Xunta de goberno, aprobouse tamén un fondo de 1,5 millóns de euros para que os Concellos poidan pedir créditos á Deputación, sen xuros nin comisión, para abordar outro tipo de inversión, co cal non existe ningún tipo de dúbida nin excusa das disponibilidades da Deputación Provincial de Pontevedra para colaborar cos Concellos, e que

na propia páxina de Deputación de Pontevedra para colaborar cos Concellos.= Dille tamén que como xa saberá, na propia páxina de Deputación está colgado o Decálogo de actuacións nas estradas provinciais, que son os dez primeiros criterios que guían as actuacións da Deputación de Pontevedra na rede de estradas e as actividades de conservación, entre outros aspectos, polo cal non se entende o motivo desta moción solicitando a elaboración dese plan de actuacións que, ademais, é de carácter público.= Remata dicindo que o voto do grupo de goberno vai a ser, polo tanto, en contra de instar á Deputación para a elaboración do plan, posto que o Plan xa existe, xa está posto en marcha e xa está determinado e publicado na propia páxina da Deputación.

Constéstaselle polo Sr. Aragunde Aragunde, que algunha das medidas que está a tomar a Deputación e que os viais que non teñen máis de 3000 vehículos por día non se pode facer nada, e son moi poucas na provincia, e había, cando foron, unhas 70 máquinas paradas e 12 empregados alí.

Rematadas as intervencións sométese o asunto a votación, acadándose o seguinte resultado:

- Votos a favor: oito (Sres.: Aragunde Aragunde, Brea Troncoso, Cores Chaves, Gómez Blanco, Iglesias Pombo, Pomares Botana, Serantes González e Varela Piñeiro).
- Votos en contra: nove (Sres.: Abal Varela, Caamaño Rivas, Cacabelos Domínguez, Charlín Trigo, Cordal Rodríguez, Martínez Piñeiro, Pérez Osorio, Prado Cores e Sra. Alcaldesa).
- Abstencións: ningunha.

A Corporación Municipal, por maioría, acorda rexeitar a moción presentada polo Partido Popular.

9º.- APROBACIÓN, SE PROCEDE, DE DECLARACIÓN INSTITUCIONAL CON MOTIVO DO 40 ANIVERSARIO DA PROCLAMACIÓN DA REPÚBLICA ÁRABE SAHARAUI DEMOCRÁTICA.

Dáse conta do escrito presentado pola Presidente de SOGAPS (Solidariedade Galega co Pobo Saharaui), participando que o vindeiro día 27 de febreiro cúmprese o 40º aniversario da proclamación da República Árabe Saharaui Democrática (RASD), polo que adxuntan a seguinte moción para que sexa aprobada polo Pleno da Corporación:= “**MOCIÓN-DECLARACIÓN INSTITUCIONAL CON MOTIVO DO 40º ANIVERSARIO DA PROCLAMACIÓN DO RASD.**= Hoxe 27 de febreiro de 2016, cúmprese o 40º aniversario da proclamación da República Árabe Saharaui Democrática e o Concello de Cambados quere sumarse este acontecemento histórico e demostrar un ano máis o seu firme compromiso co Pobo Saharaui.= As choivas torrenciais caídas en outubro de 2015 nos campamentos de poboación refuxiada saharaui afectaron a máis de 90.000 persoas, 25.000 dos cales perderon os seus fogares e quedáronse sen alimentos, segundo denunciou a Axencia das Nacións Unidas para os Refuxiados (ACNUR).= Diversas investigación levadas a cabo polo Instituto da UPV-EHU e a Sociedade de Ciencias Aranzadi, co apoi de Euskal Fondo, aprotaron novas probas sobre desaparicións forzosas e bombardeos á poboación civil saharaui a mans do goberno de Marrocos. Ademais, estas investigación están sendo útiles na investigación da querella por xenocidio contra o Pobo Saharaui e nas demandas de verdade, xustiza e reparación.= Por todo isto o Concello de Cambados manifesta o seguinte:= 1.- Reafirmar o seu recoñecemento ao lexítimo goberno da RASD e o Frente POLISARIO e manifesta, unha vez máis, o dereito de autodeterminación que legalmente asiste ao Pobo Saharaui. Así mesmo pídelle ao Goberno de España que lle dea o estatus diplomático á representación do Frente POLISARIO en España, único e lexítimo representante do Pobo Saharaui, reconecido á como ONU.= Instar ao Goberno de España e á comunidade internacional a que promovan todas as iniciativas políticas que sexan necesarias para logar unha solución xusta e definitiva, mediante a celebración dun referendo, conforme ás resolucións de Nacións Unidas.= 3.- Instar ás autoridades marroquís a que cesen as persecucións contra os e as actividstas saharauis de dereitos humanos, a que liberen aos presos políticos saharauis e esclarezan o destino de máis de 400 persoas saharauis desaparecidas.= 4.- Instar ao Estado Español a que asuma a súa responsabilidade histórica e traballe activamente dentro da Unión Europea e aproveite a súa pertenza en el Consello de Seguridade de Nacións Unidas para que o MINURSO vexa ampliado o seu mandato e vixilancia dos dereitos no Sahara Occidental.= 5.- Reafirmarse o seu compromiso de traballar tanto nos campamentos de poboación refuxiada en Tinduf (Arxelia), como nos territorios ilegalmente ocupados por Marrocos como mostra do apoio maioritario da sociedade cambadesa á lexítima loita do Pobo Saharaui pola súa liberdade.= 6.- Agradecer sinceramente a colaboración desinteresada e a xenerosidade dos cidadáns e as cidadáns cabadeses que fan posible proxectos de cooperación co Pobo Saharaui, tales como a Caravana pola Paz, Vacacións en Paz, etc.”

Toma a palabra o Concelleiro Sr.Caamaño Rivas para dicir que ante unha situación inxusta como esta, mandan os intereses éticos.

Rematadas as intervencións, sométese o asunto a votación, acadándose o seguinte reultado:

- Vostos a favor: dezasete: (Sres.: Abal Varela, Aragunde Aragunde, Brea Troncoso, Caamaño Rivas, Cacabelos Domínguez, Charlín Trigo, Cordal Rodríguez, Cores Chaves, Gómez Blanco, Iglesias Pombo, Martínez Piñeiro, Pérez Osorio, Pomares Botana, Prado Cores, Serantes González, Varela Piñeiro e Sra. Alcaldesa.
- Votos en contra: ningún.
- Abstencións: ningunha.

A Corporación Municipal, por maioría, acorda:

- 1.- Reafirmar o seu recoñecemento ao lexítimo goberno da RASD e o Frente POLISARIO e manifesta, unha vez máis, o dereito de autodeterminación que legalmente asiste ao Pobo Saharui. Así mesmo pídelle ao Goberno de España que lle dea o estatus diplomático á representación do Frente POLISARIO en España, único e lexítimo representante do Pobo Saharauí, recoñecido ás ONU.
- 2.- Instar ao Goberno de España e á comunidade internacional a que promovan todas as iniciativas políticas que sexan necesarias para logar unha solución xusta e definitiva, mediante a celebración dun referendo, conforme ás resolucións de Nacións Unidas.
- 3.- Instar ás autoridades marroquís a que cesen as persecucións contra os e as actividstas saharauis de dereitos humanos, a que liberen aos presos políticos saharauis e esclarezan o destino de máis de 400 persoas saharauis desaparecidas.
- 4.- Instar ao Estado Español a que asuma a súa responsabilidade histórica e traballe activamente dentro da Unión Europea e aproveite a súa pertenza en el Consello de Seguridade de Naciones Unidas para que o MINURSO vexa ampliado o seu mandato e vixilancia dos dereitos no Sahara Occidental.
- 5.- Reafirmarse o seu compromiso de traballar tanto nos campamentos de poboación refuxiada en Tinduf (Arxelia), como nos territorios ilegalmente ocupados por Marrocos como mostra do apoio maioritario da sociedade cambadesa á lexítima loita do Pobo Saharauí pola súa liberdade.
- 6.- Agradecer sinceramente a colaboración desinteresada e a xenerosidade dos cidadáns e as cidadáns cabadeses que fan posible proxectos de cooperación co Pobo Saharauí, tales como a Caravana pola Paz, Vacacións en Paz, etc.”

10º.- DAR CONTA DAS RESOLUCIÓNNS DICTADAS POLA ALCALDÍA.- Fáise constar que xa se lle entregou a cada Portavoz dos Grupos Políticos, senllas fotocopias das resolucións dictadas pola Alcaldía dende a última sesión ordinaria, xunto coa restante documentación dos asuntos incluídos na orde do día do Pleno, dándose a Corporación Municipal por enterada.

11º.- CONTESTACIÓN A PREGUNTAS FORMULADAS.

Contestación ás preguntas formuladas por D. Luís Aragunde Aragunde, portavoz do Partido Popular de Cambados, en escrito de data 27.01.2016 (R.E. nº 2016000560, de 28.01.2016):

1.- ~~Según se desprende da lei de protección de datos, para a utilización de cámaras e os respectivos arquivos o Concello debe ter unha persoa rexistrada como responsable dos arquivos. Quen é o responsable no noso Concello?~~

Resposta.- Como vostede xa sabe, o Regulamento de ficheiros de datos de carácter persoal do Concello de Cambados, no seu artigo número 7, establece:= 1.- A titularidade e responsabilidade dos ficheiros do Concello, corresponde ao Concello de Cambados, representado polo Sr Alcalde, (neste caso Alcaldesa). Considerándose(...)= Non se especifica na pregunta, se é en referencia á persoa física responsable dos ficheiros na Axencia Española de Protección de Datos. Se se refire a isto a persoa responsable é a Alcaldesa de Cambados, Fátima Abal Roma. Foi modificada a persoa física responsable no ficheiro de videovixiancia e inscrita na AEPD de xeito telemático polo que ainda estamos pendentes de que se publique a modificación na web da AEPD.

2.- O anterior goberno deixou realizadas ampliacións da rede de saneamento en diferentes parroquias, queda pendente activar ou poñer en marcha os bombeos, pasados máis de 7 meses nalgún caso, son moitos os veciños que non poden disfrutar deste servizo, algún puxéronse en contacto con nós debido a que áinda non poden utilizar a rede de saneamento.= Cando se porán en funcionamento estas novas redes de saneamento?

Resposta.- Non entedemos moi ben a que veciños se refire a pregunta, nin a que zona, posto que o bombeo da Revolta en Castrelo, xa está operativo e posto en marcha, e os veciños xa están tamén tramitando as altas.= En canto a ampliación da rede de saneamento en A Bouza e Lourido-Sartaxes a obra xa está rematada, a pesar de que vostedes non contemplaban no proxecto a reposición do firme. Ademáis ampliouse o saneamento a máis veciños que tamén querían este servizo e que nun principio non se lles ía prestar.= Respecto aos veciños de Tragove, estamos únicamente á espera de que Fenosa faga a acometida do cadro eléctrico do bombeo en Tragove de Arriba. Nos próximos días estará a listo para funcionar e os veciños son sabedores de que o retraso se debe a este motivo.

3.- Que función está a desenvolver o funcionario Sr. Padín Torres e cal é o motivo polo que non viste uniforme de policía local actualmente?

Resposta.- Como reflexa a acta da Xunta de Goberno de 9 de decembro de 2015,e visto o expediente tramitado a instancias de D. Antonio Padín Torres, policía local deste Concello, polo que solicitaba o pase a segunda actividade por razón de diminución das condicións psicofísicas, determiníñase o seguinte:= Vista a tramitación do expediente correspondiente e visto o informe emitido polo Tribunal médico convocado ó efecto, de data 15 de outubro, de carácter favorable ao pase de segunda actividade por non consideralo apto para o servizo activo.= Visto o informe de Secretaría e de conformidade cos artigos 62 e seguintes da Lei 4/2007, de 20 de abril, de coordinación de polícias locais de Galicia, a Xunta de Goberno Local, acordou conceder a D. Antonio Padín Torres, funcionario do Concello de Cambados, o seu pase á situación de segunda actividade.= As funcións que realiza son funcións de policía administrativa, en concreto na actualidade está a levar tarefas de tratamiento residual de vehículos, permisos de realización de festas populares, autorizacións para lanzamento de fogos de artificio, autorizacións para as licencias de animais potencialmente perigosos, e outras labores acordes coa súa situación e menoscabo físico. Dado que as función que realiza non son as propias e típicas dun axente da Policía Local, propriamente ditas, e á espera que se refexe na RPT a segunda actividade, pese a que os sindicatos solicitaron 2 postos nas negociacións da anterior e se fixo caso omiso. Polo tanto, dado que a recente e actual RPT non reservou nin contemplou esta posibilidade, ao ser as labores puramente administrativas e de cara a non confundir aos veciños, non é preciso nin acorde que faga uso do uniforme.

Toma a palabra a Sra. Alcadesa para dicir textualmente que “dende o equipo de goberno do Concello de Cambados, pedimos que por favor, cando volten a presentar preguntas para o Pleno, especifiquen ben a pregunta porque é moi difícil estar averiguando a que se refire cada unha delas. E nós sí queremos contestar, sí queremos que haxa transparencia e sí querémos que a oposición en todo momento sexa conocedora do que se está a facer neste Concello, polo que nós non imos contestar cos monosílabos: sí, non, ou coa frase “en breve”, cos que se nos respostaba a nós. Así que de cara a novas preguntas, para que poidamos respotar o máis ampliamente e axeitadamente posible ao que se nos pregunta, concretén o que queren saber. Gracias.”

12º.- ROGOS E PREGUNTAS.- O Portavoz do Partido Popular, Sr. Aragunde Aragunde pregunta: quén é o responsable dos arquivos grabados coa cámara do salón de Plenos.= Cando esta previsto que se abra o Centro de Día.= Se o Concello seguirá adherido ós servizos do ORAL.= Para cando a reparación do Campo de Fútbol de Castrelo, e a instalación da marquesina en A Modia, no cruce de Cortiñas.= Roga tamén limpeza no Estanque de A Seca e na zona de Cabanelas-Pontearnelas.

A Sra. Alcadesa pide que as preguntas que se formúlen sexan ó máis concretas posible.

E non tendo máis asuntos que tratar, douse por rematada a sesión sendo ás vintetres horas e trinta e cinco minutos, de todo canto eu como secretario certífico, de orde e ~~co visto e prace~~ da Sra. Alcadesa, coas reservas do art. 206 do ROF, debendo remitirse copias en cumprimento do art. 56 da Lei 7/1985, de 2 de abril.

A ALCALDESA

O SECRETARIO

